

Jasna Duraković
Samostalna zastupnica

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO

n/r Vlade KS, Kriznog štaba KS, MUP-a KS, Ministarstva zdravstva KS

Sarajevo, 30.3.2020.godine

Inicijativa

Poštovani, upućujem inicijativu Vladi KS i Kriznom štabu KS da što hitnije upute prijedlog izmjene propisane mjere zabrane kretanja osobama starijim od 65 godina prema Kriznom štabu Federacije BiH, kako bi se ovoj populaciji omogućilo pravo kretanja zbog nabavke namirnica i lijekova. Ova izmjena bi se mogla propisati u jasno određenom terminu od dva sata u toku dana, bar dva puta sedmično, uz provođenje maksimalnih ličnih mjera opreza i zaštite dok je na snazi Odluka o proglašenju stanja prirodne i dr. nesreće, zbog opasnosti od širenja zaraze od korona virusa (COVID 19).

Obrazloženje

Analizirajući mjere zemalja u okruženju, prateći lekcije naučene tamo gdje je situacija kritična, ali i u državama koje se uspješnije nose s ovim izazovom, smatram da bi bilo neophodno napraviti izmjene navedene mjere o zabrani kretanja osobama starijim od 65 godina. Naime, veliki dio te starije populacije nema nikoga da im pomogne, niti Kanton ima dovoljan broj volontera na terenu koji su dostupni starijoj populaciji. Postavlja se pitanje čak i da li uopće imamo neki registar prijavljenih volontera, ili su osobe starije od 65 godina prepuštene na milost i nemilost svima koji se prijave, među kojima može biti i onih koji nemaju dobre namjere? To dodatno predstavlja poseban sigurnosni izazov (ovo se vezuje za finansijske transakcije, potrebe za plaćanjem namirnica koje se donose na kućni prag, podizanje gotovine s bankomata, podizanje penzija uz ograničan broj poštara koji donose penzije, plaćanje računa i potencijalne zloupotebe od strane trećih lica). S tim u vezi, u skladu sa situacijom, neophodno je omogućiti kretanje osobama starijim od 65 godina, rezervirati vrijeme za kretanje i obavljanje poslova i finansijskih transakcija (uz maksimalne mjere lične zaštite - rukavica i maski). Imperativ je zaštititi ali i omogućiti što normalnije i dostojanstvenije funkcioniranje života. Molim Vas da što hitnije ovu inicijativu prosljedite u vidu prijedloga izmjene ove mjere prema kriznom štabu FBiH.

Jasna Duraković

Samostalna zastupnica

Sarajevo, 30.3.2020. godine